



MES 9 20 -48/2-2021



24/12/2020

ხელშეკრულება სახელმწიფო შესყიდვის შესახებ №12-48/2-2021

ერთი მხრივ, საქართველოს განათლების, მეცნიერების, კულტურისა და სპორტის სამინისტრო, შემდგომში „შემსყიდველი“, მინისტრის მოადგილის თამარ ქიტიაშვილის სახით, და მეორე მხრივ, სსიპ „საქართველოს საკანონმდებლო მაცნე“-ს თავმჯდომარის ნიკა ახალბედაშვილის უფლებამოსილი პირის ანა თოლორაიას სახით, შემდგომში „მიმწოდებელი“ ვდებთ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ – შემსყიდველი) ნიშნავს ორგანიზაციას (დაწესებუ-ლებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „ვებგვერდი“ - (შემდგომ – matsne.gov.ge) ნიშნავს „საქართველოს საკანონმდებლო მაცნე“ ოფიციალურ ვებგვერდს, რომლის მეშვეობითაც შემსყიდველი ორგანიზაცია ღებულობს მომსახურებას.

2. ხელშეკრულების საგანი

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ზ“ ქვეპუნქტის შესაბამისად, გააფორმა ხელშეკრულება მიმწოდებელთან, გამარტივებული შესყიდვის საშუალებით, „საქართველოს საკანონმდებლო მაცნეს“ ვებგვერდზე (matsne.gov.ge) განთავსებული სისტემატიზირებული (კოდიფიცირებული) ნორმატიული აქტების ელექტრონული მომსახურების, საინფორმაციო სისტემით სარგებლობის უფლების შესყიდვაზე (CPV 64200000).

3. ხელშეკრულების საერთო ღირებულება

- 3.1. ხელშეკრულების საერთო ღირებულება შეადგენს 16608.0 (თექვსმეტიათას ექვსას რვა) ლარს.
- 3.2. ერთეულის ფასი 12 თვეზე შეადგენს 1 მომხმარებლისათვის 96.0 (ოთხმოცდათექვსმეტი) ლარს.
- 3.3. ყოველთვიურად გაწეული მომსახურების ღირებულება შეადგენს 1384.0 (ერთიათას სამასოთხმოცდაოთხი) ლარს.

3.4. ანგარიშსწორება განხორციელდება 8.2 პუნქტით გათვალისწინებულ ვადაში.

3.5. ხელშეკრულების ფასი შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, მათ შორის, კანონმდებლობით დადგენილ ყველა გადასახადს, მოსაკრებელს.

4. შესყიდვის ობიექტის მახასიათებლები

4.1. „საქართველოს საკანონმდებლო მაცნეს“ ვებგვერდზე განთავსებული სისტემატიზირებული კანონქვემდებარე ნორმატიული აქტებით სარგებლობის პირობები და საფასური განისაზღვრება საქართველოს იუსტიციის მინისტრის 2010 წლის 06 დეკემბრის N225 ბრძანების საფუძველზე.

4.2. მაცნეს ვებგვერდზე განთავსებული სისტემატიზირებული ნორმატიული აქტებით ელექტრონული მომსახურების სისტემით სარგებლობის უფლება განკუთვნილია 173 მომხმარებელზე დანართი N1-ის შესაბამისად.

5. მომსახურების შესაბამისობა

ხელშეკრულების მეორე მუხლით გათვალისწინებული მომსახურება უნდა იყოს ინტენსიური, რეგულარული ხასიათის და პასუხობდეს ხელშეკრულებით გათვალისწინებულ მოთხოვნებს.

6. ვებგვერდით სარგებლობის პირობები და ვადები

ვებგვერდით სარგებლობა განხორციელდება მაცნეს ვებგვერდის საშუალებით, 2021 წლის 23 იანვრიდან 1 (ერთი) წლის განმავლობაში.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარებით დასტურდება მომსახურების გაწევით, რაზეც გაფორმდება შესაბამისი მიღება-ჩაბარების აქტი.

7.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს წარმოადგენს საქართველოს განათლების, მეცნიერების, კულტურის და სპორტის სამინისტროს საქმისწარმოების სამმართველოს უფროსი ან მისი არყოფნის შემთხვევაში უფლებამოსილი პირი.

8. ანგარიშსწორების პირობები

8.1. ანგარიშსწორების ფორმა _ უნაღდო ანგარიშსწორება ლარებში.

8.2. ანგარიშსწორება განხორციელდება წინამდებარე ხელშეკრულებაში მითითებული მიმწოდებლის სახაზინო რეკვიზიტების შესაბამისად, 7.1 პუნქტით საგადასახადო დოკუმენტის საფუძველზე, მიღება-ჩაბარების აქტის გაფორმებიდან (ჩაბარებიდან) 10 სამუშაო დღის ვადაში.

8.3 დაფინანსების წყარო: 2021 წლის სახელმწიფო ბიუჯეტი, („განათლების, მეცნიერების, კულტურისა და სპორტის სახელმწიფო პოლიტიკის შემუშავება“ (პროგრამული კოდი 320101).

9. მხარეთა ვალდებულებები

9.1 მიმწოდებელი ვალდებულია:

9.1.1. განახორციელოს მაცნეს ვებგვერდზე ელექტრონული მომსახურების სისტემაში ჩართვა და მომხმარებლის თანამშრომელთა ელექტრონული მომსახურების სისტემაში დაშვება.

9.1.2 უზრუნველყოს მაცნეს ვებგვერდზე განთავსებული სისტემატიზირებული ნორმატიული აქტებისა და სხვა საინფორმაციო დოკუმენტების გამართული მიწოდება;

9.1.3. უზრუნველყოს მიწოდებულ მომსახურებაზე გამოვლენილი დეფექტებისა და ნაკლოვანების აღმოფხვრა საკუთარი ხარჯით.

9.1.4. ხელშეკრულების დანართი №1-ით გათვალისწინებულ მომხმარებელთა სისტემაში დაშვება სისტემატიზებული სახით აქტების გაცნობის შესაძლებლობით.

9.1.5 აღკვეთოს მომხმარებლის ელექტრონული მომსახურების სისტემაში ნებისმიერი არასანქცირებული შეღწევა.

9.2 შემსყიდველი ვალდებულია:

9.2.1. კონფიდენციალურად შეინახოს ელექტრონული მომსახურების სისტემით სარგებლობისათვის მომხმარებლის სახელი (user name) და პაროლი, უზრუნველყოს მისი დაცვა და არ დაუშვას მესამე პირთათვის მისი გადაცემა; შენიშვნა: (იმ შემთხვევაში, თუ სისტემიდან გამოსვლის გარეშე პარალელურ რეჟიმში მომხმარებლის სახელით განხორციელდება სხვა კომპიუტერული მოწყობილობიდან სისტემაში შესვლა, (გარდა მობილური აპლიკაციისა) მომხმარებელი მიიღებს გაფრთხილებას და მესამე ასეთი ქმედებისთავე ამოქმედდება ვებგვერდზე მომხმარებლის სახელის საათობრივი შეზღუდვა არაუმეტეს 24 საათისა).

9.2.2. ხელშეკრულებით გათვალისწინებულ ვადაში უზრუნველყოს “მიმწოდებლთან” ანგარიშსწორება ხელშეკრულების 8.2 პუნქტის მოთხოვნათა შესაბამისად;

9.2.3. დროულად განიხილოს “მიმწოდებლის” მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

9.2.4. თავისი შეხედულებისმებრ შეცვალოს მისთვის გადაცემული პაროლ(ებ)ი, და უზრუნველყოს მისი დაცვა;

9.2.5 წარუდგინოს მიმწოდებელს დაზუსტებული და სრული ინფორმაცია დანართი¹1-ის შესაბამისად.

10. მხარეთა უფლებები

10.1. “მიმწოდებელს” უფლებააქვს:

10.1.1. შემსყიდველს მოსთხოვოს ხელშეკრულებით აღებული ვალდებულებების ჯეროვანი შესრულება;

10.1.2. ხელშეკრულების ფარგლებში მოითხოვოს დროული და სრული ანაზღაურება.

10.2. “შემსყიდველს” უფლებააქვს:

10.2.1. აწარმოოს მოწოდებული მომსახურების ხარისხისა და მოცულობის კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს, მისი აღმოფხვრის მიზნით;

10.2.2. მოითხოვოს მაცნეს ვებგვერდზე განთავსებული ნორმატიული აქტების გამოყენებით გამოწვეული ზიანის ანაზღაურება, მხოლოდ იმ შემთხვევაში, თუ ზიანის გამოწვევა განპირობებულია უშუალოდ მიმწოდებლის ბრალეულობით.

11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

11.2. ამ ხელშეკრულების მიზნებისათვის “ფორს-მაჟორი” ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან

დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და ასევე ნებისმიერი ხელისშემშლელი ფაქტორით რაც უშუალოდ არ მომდინარეობს მიმწოდებლისგან;

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. ხელშეკრულების პირობების გადასინჯვა

12.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა;

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად;

12.3. ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება რომელიც წარმოიქმნება ხელშეკრულების პირობების შესრულებასთან დაკავშირებით;

13.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს, თუ ხელშეკრულებით სხვა რამ არ არის გათვალისწინებული.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების

თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით;

14.2 იმ შემთხვევაში თუ გაიზრდება ხელშეკრულებით გათვალისწინებული მომხმარებელთა რაოდენობა, ხოლო გაზრდის შედეგად საერთო მომხმარებლების რაოდენობა დაექვემდებარება სხვა საფასურის განაკვეთს, ყოველი ახალი მომხმარებლისათვის საფასური განისაზღვრება ახალი განაკვეთის მიხედვით, ხოლო უკვე რეგისტრირებული მომხმარებლების საფასურის განაკვეთი არ შეიცვლება და გადახდილი თანხა უკან დაბრუნებას არ დაექვემდებარება;

14.3 მომხმარებელთა რაოდენობის შემცირების შემთხვევაში არსებული საფასურით დადგენილი საერთო ღირებულების სხვაობა უკან დაბრუნებას არ ექვემდებარება.

15. ინსპექტირების პირობები

15.1. ხელშეკრულების შესრულების კონტროლის განხორციელებაზე უფლებამოსილია განათლების მეცნიერების კულტურისა და სპორტის სამინისტროს ადმინისტრაცია (დეპარტამენტი), რომელიც არ იმყოფება მიმწოდებელთან ინტერესთა კონფლიქტში.

15.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული მომსახურების ინსპექტირება.

16. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

17. ხელშეკრულების მოქმედების/ მომსახურების ვადა

17.1. ხელშეკრულება შედგენილია ქართულ ენაზე და დამოწმებულია ელექტრულად კანონმდებლობით დადგენილი წესით.

17.2 ხელშეკრულებით განსაზღვრული მომსახურების ვადა განისაზღვრება 2021 წლის 23 იანვრიდან 2022 წლის 23 იანვრამდე.

17.3 ხელშეკრულება ძალაში შედის მისი ხელმოწერის დღიდან და მოქმედებს 2022 წლის 30 მარტის ჩათვლით, მხარეთა მიერ ვალდებულებების სრულ შესრულებამდე.

„მიმწოდებელი“

სსიპ „საქართველოს საკანონმდებლო მაცნე“

მის: ქ. თბილისი, გ.ფანჯიკიძის №2

სახელმწიფო ხაზინა, კოდი: TRESGE22; ანგარიში: 707407076;

ს/კოდი: 203862622

ტელეფონი: 2 94 16 45

ანა თოლორაია

„შემსყიდველი“

საქართველოს განათლების, მეცნიერების კულტურის და სპორტის
სამინისტრო
მისამართი: ქ. თბილისი, დ. უზნაძის ქ. №52
ტელ: 2 200 220

საიდენტიფიკაციო კოდი: N202051224NB
საბანკო რეკვიზიტები: სახელმწიფო ხაზინა; ბანკის კოდი:
TRESGE22
ანგარიშის #GE24NB0330100200165022

თამარ ქიტიაშვილი

თამარ ქიტიაშვილი

საქართველოს განათლების, მეცნიერების,
კულტურისა და სპორტის მინისტრის მოადგილე

